



Na osnovu Odluka o potrebi zapošljavanja novog radnika u 2022. godini u Podružnici „Elektrodistribucija“, Mostari u djelatnosti Distribucije broj:01-03-31988-1/22 od 23.11.2022. godine Podružnica „Elektrodistribucija“, Mostar objavljuje:

O G L A S

za zapošljavanje 1 radnika na neodređeno vrijeme uz obavezan probni rad u trajanju od najmanje 3 (tri) mjeseca na radnom mjestu:

Glavni dispečer rang 3 u Odjeljenju za dispečiranje, Služba za upravljanje i operativne analize, mjesto rada Grad Mostar, **izvršilac 1**
Kandidati treba da ispunjavaju slijedeće uvjete i to:

- da su državljani BiH,
- da posjeduju visoku stručnu spremu (VII-VSS-1), **elektrotehnika, energetika,**
- da imaju najmanje 1 godinu radnog iskustva / staža u struci nakon sticanja tražene stručne spreme i
- da posjeduje pasivno znanje stranog jezika.

Kratki opis poslova radnog mjesta: Daje naloge isključenja i uključenja za elektrodistributivni sistem, vrši identifikaciju kvarova i njihovu lokalizaciju, vrši odvajanje mjesta kvara i uspostavljanje novog uklopnog stanja sa minimalnim brojem krajnjih kupaca/proizvođača bez isporuke/preuzimanja električne energije, poduzima aktivnosti na sprječavanju preopterećenja elemenata elektrodistributivnog sistema i u slučaju pojave preopterećenja, izvodi potrebne manipulacije za uspostavljanje pogonskog stanja u kojem će oprema raditi u okviru dopuštenih opterećenja, koordinira redukciju isporuke električne energije u skladu sa programom redukcije, koordinira Odjeljenjima za upravljanje i održavanje mreža i postrojenja u Poslovnim jedinicama distribucije, vrši koordinaciju rada više ekipa na jednom objektu, vrši manipulacije direktno putem SCADA sistema u daljinski upravljanim EEO, ili putem terenskih ekipa u EEO bez daljinskog upravljanja, vrši izradu plana zastoja elektroenergetskih objekata zbog planiranih radova, sa planom manipulacija alternativnog napajanja dijelova elektrodistributivne mreže na kojoj se ne izvode radovi, kontinuirano vrši analizu rada elektrodistributivnog sistema, vrši systemske analize ispada i kvarova elektrodistributivnog sistema, vrši izradu analiza i planova za efikasan i ekonomičan rad elektrodistributivnog sistema, vrši izradu elektroenergetskog bilansa, vrši analizu konfiguracije i režima rada elektrodistributivnog sistema, vrši proračune tokova snaga, naponskih prilika, kratkih spojeva i sl., vrši proračune i analize mogućih tehničkih rješenja, te definiše optimalna uklopna stanja, analizira i priprema aktivnosti koje omogućavaju prevladavanje i ograničavanje uticaja smetnji i kvarova većeg obima u okviru raspoloživih pogonskih mogućnosti, analizira i priprema alternativna uklopna stanja radi obezbjeđenja napajanja električnom energijom određenog broja kupaca, odnosno objekata u vanrednim okolnostima, analizira i priprema odgovarajuće aktivnosti na sprječavanju preopterećenja elemenata distributivne mreže, analizira i priprema postupke složenih manipulacija većeg obima, vrši izradu planova hitnog rasterećenja sistema, prati razmjenu energije sa susjednim elektroenergetskim sistemima, prati opterećenje elektrodistributivnog sistema i naponske prilike, prati trenutno uklopno stanje elektroenergetskih objekata, nadgleda rad i funkcionalnost sistema daljinskog nadzora i upravljanja, prati kontinuitet rada, smetnje i poremećaje u radu, prekide rada sistema, poduzima odgovarajuće korake i mjere za pravilno funkcionisanje sistema, saraduje sa Službom za odnose sa javnošću i informisanje kupaca po pitanju kvarova i prekida u napajanju električnom energijom, saraduje sa dispečerskim centrima susjednih operatera distributivnog sistema, operatorom prenosnog sistema i drugih privrednih preduzeća, ažurira baze podataka iz oblasti poslova upravljanja elektrodistributivnim sistemom, vodi pogonsku dokumentaciju (knjigu naloga za manipulacije, pogonsku knjigu, knjigu depeša i sl.), vodi dnevni i dekadni izvještaj o zastojima, evidenciju o priključenju novih objekata na SN mrežu, evidenciju sa opisom većih kvarova, kontaktira sa službama lokalne uprave, inspekcijama, Elektroprivredom i nadležnim zaposlenicima u Podružnici u cilju efikasnog upravljanja elektrodistributivnim sistemom, ažurira evidenciju baze tehničkih podataka o elektrodistributivnim objektima, dostavlja potrebne podatke za ažuriranje baze podataka nadležnim službama, koristi BI izvještaje kojima se pokrivaju poslovni procesi koji se u potpunosti ili dijelom odnose na proces upravljanja elektrodistributivnim sistemom, priprema periodične (mjesecne, kvartalne i godišnje) izvještaje o funkcionisanju procesa upravljanja elektrodistributivnim sistemom sa fokusom na uočene probleme te definiše prijedloge za njihovo prevazilaženje, učestvuje u radu, zajedničkih timova formiranih radi rješavanja specifičnih pitanja iz domena procesa upravljanja elektrodistributivnim sistemom, ostali poslovi po nalogu Rukovodioca Službe za upravljanje i operativne analize.

Kao dokaz o ispunjavanju uvjeta, kandidati su dužni u originalu ili ovjerenoj fotokopiji dostaviti slijedeću dokumentaciju:

1. **pismenu prijavu** na Oglas (svojeručno potpisano), sa jasnom naznakom naziva radnog mjesta na koje se prijavljuje,
2. **kraću biografiju / CV** sa brojem telefona / mobitela i e-mail adresom (ukoliko je posjeduje) putem koje se može stupiti u kontakt sa kandidatom,
3. **uvjerenje o državljanstvu** (ne starije od 6 mjeseci od dana izdavanja od strane nadležnog organa),
4. **diplom** visoke stručne spreme VSS-VII-1, **elektrotehnika, energetika**, fakultet prvog ciklusa studija sa dodatkom diplomi završen u skladu sa Okvirnim Zakonom o visokom obrazovanju (bachelor za određenu oblast) koji je vrednovan sa najmanje 180 ECTS bodova ili diplomu o završenom fakultetu stečenu u skladu sa propisima iz oblasti visokog obrazovanja koji su se primjenjivali prije početka primjene Okvirnog zakona o visokom obrazovanju. U slučaju da fakultet nije završen u Bosni i Hercegovini, kandidat je dužan dostaviti dokaz o nostrifikaciji diplome. Kandidati koji su završili studij po Bolonjskom sistemu studiranja dužni su obavezno dostaviti diplomu prvog ciklusa. Ne mogu služiti kao valjan dokaz univerzitetske diplome akademskog zvanja magistra ili ekvivalenta, akademskog zvanja doktora ili dr. slične diplome, jer iste ne mogu dokazati stečeno zvanje završenog dodiplomskog (osnovnog) studija. Za kandidate koji su visoko obrazovanje stekli po Bolonjskom sistemu studiranja, uz diplomu se dostavlja i dodatak diplomi, Iznimno, samo u slučaju da visokoškolska ustanova dodatak diplomi nije uopće izdavala ni za jednog diplomca, kandidat je dužan uz ovjerenu kopiju univerzitetske diplome dostaviti uvjerenje visokoškolske ustanove da dodatak diplomi nije uopće izdat ni za jednog diplomca.
5. **potvrdu, uvjerenje ili drugi dokaz** da kandidat ima potrebno radno iskustvo u oblasti **elektrotehnika, energetika nakon sticanja tražene stručne spreme u trajanju od najmanje 1 godine**, tako da se na osnovu ovih dokumenata može jasno utvrditi da je kandidat nakon sticanja stručnog naziva radio na poslovima visoke stručne spreme za koje se traži stručni naziv i koji odgovara stručnoj oblasti / nazivu predviđenom za radno mjesto na koje se prijavljuje, koliko dugo je obavljao navedene poslove (precizan period angažovanja od-do) i opis poslova na kojima je radio.
6. **dokaz o pasivnom poznavanju stranog jezika** traženog nivoa (potvrda, uvjerenje, sertifikat, ovjerena svjedočanstva srednje škole, ovjerena kopija iz indeksa ili drugi dokaz),
7. **prijavu/obavještenje o mjestu prebivališta / CIPS** ne starije od 30 dana od dana izdavanja od strane nadležnog organa (po mogućnosti PBA-3 obrazac).

Pored navedene dokumentacije za navedena radna mjesta kandidati mogu dostaviti:

- Kandidati koji su demobilisani borci, članovi porodice šehida ili poginulih boraca, ratni vojni invalidi ili su članovi porodice ratnog vojnog invalida mogu dostaviti dokaz o ovom statusu i pravo na prioritet pri zapošljavanju od nadležnog organa u skladu sa propisima koji regulišu ovu oblast boračko-invalidske zaštite.
- Kandidati koji su nezaposleni mogu dostaviti potvrdu/uvjerenje o toj činjenici izdatu od strane nadležnog Zavoda za zapošljavanje.
- Kandidati koji su ranije obavili pripravnički staž u Društvu ili su ranije radili u Društvu po osnovu Ugovora o radu na određeno vrijeme u struci koja se traži za radno mjesto na koje se prijavljuje mogu dostaviti dokaz o toj činjenici (odgovarajuće uvjerenje / potvrdu).
- Kandidati koji imaju ili su imali status stipendiste Društva mogu dostaviti dokumentaciju kao dokaz o toj činjenici (ovjerena fotokopija ugovora o stipendiranju sa JP Elektroprivreda BiH d.d.-Sarajevo).

Dokumenti koji se neće prihvatiti kao valjan dokaz o traženoj vrsti radnog iskustva su: radna knjižica, ugovori o radu, ugovori o obavljanju privremeno-povremenih poslova, ugovori o djelu, rješenja i odluke o zasnivanju radnog odnosa, sporazumi, rješenja ili odluke o prestanku radnog odnosa, preporuke i potvrde nenadležnih organa bez dostave ostalih dokaza, odnosno preporuke bez navođenja osnova priznanja statusa neće biti uzete u obzir i sl.).

Dokumentacija dostavljena bez potpisane prijave na oglas sa kraćom biografijom i naziva radnog mjesta smatraće se nepotpunom i neurednom prijavom.

Opće i posebne uvjete kandidat dokazuje dostavljanjem taksativno nabrojane dokumentacije tražene tekstem oglasa ili druge neophodne dokumentacije, koja se dostavlja u originalu ili ovjerenoj kopiji (neovjerene kopije neće se uzeti u razmatranje).

Prijave sa potrebnom dokumentacijom dostaviti u zatvorenoj koverti, lično putem protokola ili putem pošte na adresu:

JP Elektroprivreda BiH d.d.-Sarajevo, Podružnica „Elektrodistribucija“ Mostar, ulica Adema Buća br. 34 88 000 Mostar, sa naznakom – „Prijava na Oglas - Ne otvarati“, uz obavezno navođenje na koverti: imena i prezimena kandidata, naziva radnog mjesta na koje se kandidat prijavljuje, adrese stanovanja, broja telefona / mobitela i e-mail adrese.

Rok za podnošenje prijava je 8 (osam) dana od dana objavljivanja u dnevnim novinama i web stranici Društva.

Sa kandidatima koji ispune uvjete iz Oglasa uz dostavu tražene dokumentacije, obaviti će se pismeni i usmeni ispit (kandidati koji na pismenom ispitu imaju najmanje 70% tačnih odgovora stiču pravo pristupa usmenom ispitu).

O vremenu, mjestu i načinu održavanja pismenog i usmenog ispita kandidati će biti blagovremeno obaviješteni.

Kandidati će biti pismeno obaviješteni o ishodu oglasa, a priložena dokumentacija neće se vraćati.

Kandidat koji budu izabrani prije potpisivanja Ugovora o radu biće upućen na ljebarski pregled radi utvrđivanja zdravstvenog stanja i radne sposobnosti za obavljanje poslova radnog mjesta na koje je izabran.
